



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Schildi[i] De Caucis

Schild, Johannes

Lvgd. Batav., 1649

Bremæ, Principis In Cavcide Civitatis, Consulibus, Syndicis, Senatoribus,
Magno Pro Rep. Animo Vere optimatibvs Joannes Schildius Bremensis ...

urn:nbn:de:hbz:466:1-13007



B R E M Æ,

PRINCIPIS IN CAUCIDE
CIVITATIS,

CONSULIBUS,
SYNDICIS,
SENATORIBUS,

MAGNO PRO REP. ANIMO
VERE OPTIMATIBVS

JOANNES SCHILDIVS
Bremenſis

D. C. Q.

PER adverſa, per proſpera, per
ambigua nationes ad famam re-
rum, & temporum graſſantur
æternitatem, pulcra ſpectabi-
lique cum fortuna dimicatione meren-
tes,

* 2

tes,

D E D I C A T I O .

tes, ut admiratione posteritatis, à socordium, & casibus intactorum, secernantur oblivione. Caucos improspera casuum extulêre, quando vim secum, victoriámque ferente Romano, didicêre fatalis imperia ferre majestatis. Ad supremum re Romana culmen eluctante, id est, Octaviano duces & auspicia sua præbente, cum aquilis inferenti pila frameas summisêre Druso. Quo victoriis immortuo, crudámque dedignato servitutum Cauco, movit in rebellia Tiberius, & in ea denuò imperii prolato terrore, supergredi magnitudinem fratris, ac domare potiùs hostilia, quàm vincere, connixus, Visurgi cum primis Albique gravis incubuit atque formidandus. Ignoscat tamen incubanti Cauco, ac Romanam numeret inter sua felicitatem. Obstrictum se cladibus, ac deditio- ni, fateatur. Ignobilis quippe futurus, & inglorius, nî per arma Quiritis in litteras ejus, ac per litteras, in secula ivisset. Hostes, quod maximum à mortalibus accipere

DEDICATIO.

cipere mortales queunt, æternitatem nobis inviti dedere. Triumphaturlentes id effecere, ut victi scilicet, ac contusi, solida ac duratura gloria, de profunda temporum triumpharemur oblivione. Quæ, nisi læta illis initia nosciturandæ desiderium nationis acuisserent, ambigua quoque nostra, & prospera, librorum occupare merita perpetuitatem, infinitæ reliquisset indomabilique vetustati. Nesciretur aliquando commilito Romani, nesciretur in ultionem erectus, ac infusus frequenter in Romana Caucas. Tot pulcra nescirentur, & excelsa, quæ nunc caput exserunt, & altitudini temporum resistunt, absolutissimorum incisa monumentis ingeniorum. Erant enim illa tanti: cum vincere vicina scirent, bellaturienti tamen imponere frenos ambitioni, neque maximam gloriam in maximo repositam imperio putare: sed posse magis imperare, quam velle. Profligare pessimos validiorum consultores, iram atque cupidinem, & hinc scelera,

DEDICATIO.

lera, ad quæ facillimè à votorum transi-
tur immensitate. Laceffere ferro nemi-
nem, sed, si lacefferentur, averruncandi
neque vim sibi deesse, neque volunta-
tem, declarare. Nihil ob jactantiam ap-
petere, nihil ob formidinem recusare.
Militiæ muniis, ac meditentis, im-
buendo militem, insidiantis ocii deter-
gere rubiginem: & integram, neque bel-
lo debilitatam, provocantibus inferre
quietem. Denique res perquam rarò so-
ciabiles, magnitudinem nationis, ac ju-
stitiam, miscere. Grandia documenta
sublimium, gentisque moribus oblu-
ctantium animarum. Namque ceteris
ingrata, quæ tuta, Germanis, ac pacem
intelligere, rarum. Facilius inter armo-
rum turbida clarescebant: in iis omne
decus, illa patria, illi penates. At nostri,
paci pariter ac bello pares, æquabilem
utriusque vitiis animorum objecere ge-
nerositate. Quare non aliam gentis
Germanicæ nationem invidia dicerem
existisse capaciorem: nî me, qui sollici-
tat

D E D I C A T I O .

tat alios, adversus domestica dehortaretur ac inhiberet affectus. Etenim gloriam populi, atque magnitudinem, nimius attereret indigena laudator. Sed pro me Tacitus dicit. Ille Tacitus, cujus admirando lectitatio, de nostrorum hominum magnitudine, judicio, intravit animum cupido meum, cetera quoque Caucidis aperiundi. Nationis incunabula, fines, exilia publica, solum, habitationes, rempublicam, instituta, religiones, expeditiones, inspicienda proponere seculo conamur. Appetitæ Romano, circumventæ, sibi restitutæ, reperire conamur, ac repræsentare, causas. Cum nimia subinde commissi vetustate, neque conantibus autorum idonea subveniente manu, qualiacunque mutamur ab ingenio præsidia, ac per ancipitia vecti, relictam opinandi licentiam amplexamur. AT CUNCTA, MAGNIFICI AC NOBILISSIMI PROCERES, VESTRI SACRA SVNTO CLARITVDINI NOMINIS,

DEDICATIO.
MINIS, ATQVE DIGNATIO-
NI: QUI REGITIS ET PA-
TRIAM NOBIS, ET PRIN-
CIPEM IN CAUCIDE, CIVI-
TATEM. Anno c1o1o c XLVIII.
iv. Id. Novemb.



IN-